

600
:2

閑道堂集卷之二

孝昌熊賜履著

詩

元日閱占書

車輪網鬱說年豐
太史新傳聞闔風
蒼狗白衣頃刻
變喬雲不及紫蜺紅
絳電齡霞逢直破
輕瓊冷絮戰重陰
漫將采醴全甘露
且看烏飴滿柏林

憶舊居小樓樓在白下之青溪上卽豁然樓也

遠岸漁簑吹駛雨隔溪酒幟蕩輕風何年再赴臨流
約醉倚石欄數暮鴻

乙酉二月朔南中信至云仁姪歿於孝昌作口
號二絕哭之嗚呼慟矣

才清標秀格運蹇折妍華憐汝生根苦偏來薄福家
子舍相依熟飄離忽異方老人腸已斷無淚到滎陽
花朝日遊香山寺盡興而返

夢魂終日到西山翹首崇巒野寺閒我自雲遊人莫
識扶筇倚杖度松關

老僧笑問客何來大隱金門亦快哉剝啄聲高聽不
絕攜琴郭外看花開

驚秋

楓落宜秋禊槐疎少夏蟬遙知溪水上

謂青溪

涼夜自

漪漣

曉俗

崑崙九域何人到閩苑三山甚處過曼衍垓埏括地
象鋪張躔度步天歌東皇迴對西王母瀛島偏連瀚
海波日御可曾添羿馭常儀未便作嫦娥重黎祀正

仍難絕甘石星經總是詫六節

佛經有六節之說

乘除誇葑

紀一行掛揲冒羲和鶉頭闕漏勞媧煉烏足飛空繫

魯戈夕夕絳霄磨玉鏡年年織錦問銀河元狐仙路

昇騰近

外史云元狐嶺去天僅十八里

嶺上雲梯有幾多

乙酉七月七日

上從行在 命內監頒賜

御書金筭亦特恩也

牙邊錦筭爛星文飛白龍章字字芬內侍傳來 天

語渥清風兩袖拜卿雲

贈闡士某

身穿震旦逍遙服口飲仁祠太極泉灑灑真如識認

否勸君休說五根詮

書侍媵扇令和媵謝曰不能是誠不能也予領

之

捲簾不怕五更風曉起凝妝待曙鐘為理殘編教幼

女

女方七歲媵所出也

書聲嚦嚦徹櫺櫳

咏古四首

黃州那得赤磯山隔岼烏林夏口灣文士自來多任

臆常畱話柄落人間

南飛烏鵲越江濱
灑酒橫戈弗等倫
嘆老嗟衰胡事此
阿瞞非是苦吟人

水陸舟車事不全
曹公浪戰失占風
坐輪諸葛先生計
教與周郎用火攻

拜得東風亦偶然
披衣仗劍說回天
英雄作用憑君紀
袖裏金針未許傳

飲後口占答所知不成語也

年年扈從孰爭先
快馬長驅更著鞭
莫道君恩不

易得大官頒下水
衡錢

榮名身後總荒唐
過眼浮雲任主張
見說近臣碑額好
龍亭玉碣也淒涼

書齋榆柳二株可愛
故作此嘲之其實乃
深喜也

一枝柳絮難醫冷
滿樹榆錢不療飢
贏得牆頭春色好
艸衣木食轉相宜

題棗花

棗花歷亂棗枝香
半入東牕半倚牆
薄暮婆娑聊作

伴清風習習滿書廊

春夜閒吟自傷衰老無成也

書屋梅花細艸茵孤檠獨照乞閒身自知不及金城
客偏羨凌烟閣上人

李廣當年滯朔方子卿足下亦悽惶封侯豈是凡人
骨枉向天山問帝鄉

暮春餘寒不解賦此抒懷

梁間老燕方穿壁陌上殘楊未掛絲莫悵春光不到
眼隔牆榕葉點堦墀

一指鳴絃宜好月半藤鎖戶卽穹巒蕭然獨坐非容
易白首青蘿傲大官

偶題

秦皇封五松漢武褒三柏艸木亦逢時何況青雲客
嫩綠疑呈秀新紅似鬪妍物華寧有意觀者自生憐
四月八日書房洗澡漫題四絕

長天宜晚沐清靜自生涼我有離塵法非關學梵王
浴日憑能手齋心見道根拂衣身已潔垢淨不須論
洗濯神明淡湔澆膚骨蠲莫嫌巾悅繞薰沐在溫泉

閉戶寧譏裸臨池不畏濡老年偏有力安用侍兒扶
偶題

螳背官當車蛛絲爭結網且看鷓蚌持莫笑蜉蝣攘
閱滇志

迦葉拈花處人傳雞足山詎知千載下印度在撾蠻
金形翻似雞碧形翻似馬天使去不還望祀胡爲者

偶占

人苦不自知昏昏領機務歇後鄭五在執鞭蓋欣慕
閒吟固蕭條分韻亦索漠乃知三百篇發憤所爲作

亭棗

牆頭丹棗樹新實何團團未便如瓜瓞依稀似李蟠
且尋園內樂莫作閨中看

偶題

晚年喜獨咏無事自啾啁賴得春宵好長歌對板橋

老婦吟

暈眉寧似黛渲髻不成鴉莫作長門怨相看睨日斜

咏果口號

北人誇葡萄南人侈柚橘橄欖兌松蘿清芬滿幽室

不羨千葉桃寧數百花蜜如何棗兒乾也云甜半日

念荒

烏昧速腸枯龍鍾催項槁可憐懸釜家空種護門草

桂子

天香何處散月路幾時開桂子風吹落端從靈隱來

瓊花

水浸半夏草雪壓欵冬花獨有簷蔔藥香飄玉女車

鮮荔枝

冰肌齊玉潤瓊液逼晶瑩不惜紅綃裹官家愛側生

梔子

共說唐昌觀爭傳瑒樹枝越桃今滿路何用覓蕃釐

答問

問我養生術清涼水一鍾焚香過永夜啜茗下顛冬

過直沽權使隨到放行日空船也何驗爲作此

謝之

告身同使節過所不闌關休笑虛舟觸囊中有玉環

寒食幼女啼飢索餅

麤麩杏油少餽饌櫻膩多兒童甘糲食衎衎買波波

聞鄰家妒婦聲

牆頭牝唱喧池角蛙鳴啞皂筴且停徵請君騎驛馬
偶憶故園蠶豆

蠕蠕瓜兒列回回豆子烝何如南畝菽碧紺滿秋塍
漁樵

鄧林冲漢枝猶葛橫海吞舟吻似蜩霄壤附依何處
著空將管蠡話漁樵

讀易

彖先知孔意繫表見周情瞽說龜經者猶矜瓦缶鳴

新秋望西山

雲綃初幕野山翠欲粘天莫道松門遠甘泉在目前
偶患左足疼

常懷下堂憂久絕上殿興便給一子扶蹒跚學夔夔

輕古韻

啟衾未卜期倚杖祇消興倘生一臂國不丁總是輕

憶金山

潮頭鋪海皺斗柄熨江紋記得畱雲所驚濤兩岍聞
憶焦山

高塔俯危檣浮查衝遠鶴圖書自天開請上雙峰閣
浣紗女

鴉黃半額塗鸞翠雙躔窈何如素足娃不學朱顏少
跣襪漾清溪漣漪自相照

贈破頭和尚

廟中常有盛會
故次首及之

獨掛阿難笠雙穿不借鞵頂門應有棒莫負德山柴
方麴瑤光枕流蘇曇獻牀但憑和尚宿不必問夫娘
飲六茗

琬液瓊漿徒胃薄雕蚘鏤蛤亦脾辛牢丸真一何須

覓獨酌英山小峴春

聽嶺南鄉語因憶所知

果然學虎嘯吉了作鸚聲遙憶波心客年年陰火明
旅店贈優僮僮秦人

打番吹羯角囉唌亂邨帘挑得涼州曲休彈昔昔鹽
乙酉六月夜坐口占自慰體變而興狂然皆平
實語也遂筆而存之

不仕亦不隱非往亦非還居燕猶居洛希孟復希顏
悠悠仍踽踽落落更閒閒避世寧出世其間在此間

謝饋徽墨者

松脂蒸已熟桐液焙還磨何必三台石煩君送二螺
暑中憩道傍僧舍僧索書扇口占贈之

清池含古度遠嶼夾林於笑爾鬚眉換慙予歲月虛

夏日園林卽事

做古三句體

柳稍習習照青蘭鶯毳紛飛點素紈東鄰有女隔牆
看

奚僮脫帽撥新琶淪淪攏撚繞暮鴉寧羨昆明刺桐

花

奚僮滇人善琵琶

習俗

雪壓酒壚炊橄欖烟封茶竈吸檳榔南荒習俗承沿

久冰虎

京師夏月賣冰號冰虎

何消說帝鄉

過東昌念災

麥薺憂霧凍木稼祁霜淞爲問山東人何時備飯甕

閉戶

窮奇有力良能少檣杙無情變詐多閉戶不知天地

老江河日下又如何

同揆

宇文高帝偏知律耶律先生雅好文同揆不妨時代
異方隅族類任區分

不成吟

一枕愁腸結五更客思侵挑燈尋舊楮亂雜不成吟

閒咏

宣尼已矣曾三嘆孟氏哀哉亦幾回總為愚夫開覺
路顛蒙何用問西來

樂正從敖豈是正萬章騰口未成章前賢高第猶如
此何況區區不義郎

閱史

盤古以前豈無君人皇而後安有紀春秋元命憑誰
苞攝提連通從何起九頭五姓難追尋循蜚疏仵迷
終始傳疑傳信總荒唐大都好事為之爾

三皇紀

尚書斷自陶唐太史紀從羲帝如何叔季儒生

四明陳氏

五峰胡氏之徒動列三皇世系

如世編大紀等書

勵君近公特膺易名之典為賦近體一章從伊
郎編修南湖請也

榮稱節惠出 溫綸 聖主恩施卹近臣 廿載禁廬

依鵲觀五更清漏聽 鷄人庭懸 賜額奎文賁座擁

遺書珥筆新赫赫 天章關 帝訓 謂謹慎勤勞竝無過愆二語

好鐫珉石作家珍

口占醒釋

咄咄不離口 嚶嚶不離耳 既云四大空焉有佛牙齒

皮囊本不臭 舍利幾曾香 悲却和南子 輪睛望塔光

喜伊兒舉第二子

伶仃弱息類孤豚 形影相依杖屨存 何意桑榆垂暮

景含飴繞膝 弄雙孫

自念

北征不從戎 南巡不隨 駕請纓我未能 諫獵書非

假迂叟 本硜硜 時賢莫嗔訝

喜老

眼昏看事少 耳重聽言稀 墮黜何須用 消除轉覺非

自然成斷滅 謂不關學佛也 了了在幾希

讀史

陳平棄錢穀 丙吉畧死傷 居然任燮理 侈口談陰陽

七月農功急三章約法詳此理容易識輕重不須量
自咏

小試非由己大隱似欺人行止都難說乾坤一廢民
咏古

司寇周陪臣麟經魯國史斯人無所逃聊以應物爾
寧知百世下俎豆方無已若謂有名根至人不如此
試看造化機流行實誰使寒暑任推移形神斯可擬
口外 行在 頒賜河鯽魚九尾

傳聞古北河魴美尚饌遙頒正席嘗老饜自慚叨鼎
養扶筇亟拜謝 君王

閒吟
老去思田父閒來想牧童人生徒碌碌回首望歸鴻
呱呱憐幼女僕僕念伊兒冷淚何堪落愁懷只自知
望山

遠山一抹隔溪灣流水無心自往還雞彘縈縈籠圈
裏那知野鶴有餘閒

有感

弇州四部稿傳云多贗筆叔季士風澆居然罔顧恤

豈知千載下明眼炯如日本效鳳鸞鳴啾啾等蟋蟀
 蟋蟀猶可聽最嫌土蟻啣流落市井間孰辨蚤與蝨
 卽今孔方翁閔然事縹帙哀集號專家棗梨被刀鑽
 總出幕賓手龜文而鼈質贈答竟炎炎誅銘竝瑟瑟
 胡爲乎來哉根由不可詰主人負高名雙眸莫識一
 見者任譏彈聞者空呵叱盈案存覆瓿等身供包餽
 郎君不解羞逢人求評隲

薄葬

德厚坵彌薄名高碣愈卑莫言石槨固樵斧伐豐碑

誌銘

荒唐孟德塚滅没信陵墳杳杳千秋下何人問誌文

枉送

厚葬薄封總厝身懸棺請槨費咨詢門徒不認宣尼
 意枉送篋瓢陋巷人

淵博

仲尼疑仲尼尼或作尼古夷字曾參實曾參本音參字子與今讀森非是

聖賢名未考淵博且休談

淺淺論古

先憂尚非至德獨樂豈是完人乾健幾曾作輟太和
罔間疎親要識初終一致須教物我同仁名賢語多
滲漏何況區區細民

學道

學道爭蹊徑何人識大中工夫宜淺近本體只虛公
闇的毫釐別賢愚寸掬充諸君如不信請問嶧山翁
忘題下筆時有所感書罷則忘之矣非耄而何
遇諸塗與爾言仲尼隨聲答不激亦不煩

勿以許爲直勿以遁爲訥子輿號知言何妨陽虎曰

青史

弋綈當紵衣革舄代朱履更有上書囊緝作圍屏綺
儉德固足風懿行亦堪紀珠繡殿前焚聊以誑俗耳
誠僞自懸絕所貴直如矢蚩蚩未可欺冥冥未可揆
枉用費心機百世有青史

初雪應制

同雲布濩卜豐年朔雪初飄滿十千色借玉樓分彩
仗光浮瓊島護爐烟九重共仰天街淨六出新添
上苑妍自喜恩叨溫室煖竚看野老咏桑田

乙酉嘉平月之廿五日 召至南內

特賜御饌及尚鹿尚羊尚獐鹿尾尚兔尚雉關東魚
尚酒等物

常供一肉愧椒盤珍品駢頒費大官薦熟先嘗仍祝
哽衰年脾弱慎加餐

越二日又 召至南內多所諮訪

特撤御饌海魚及酥餅榛子松子賜之
御饌海魚鮮如魴復如鯿飽食不知名相傳喚澤漏
關東松子與榛仁口袋盛來賜舊臣 天語叮嚀宜
少食和酥嚙下越精神

閑道堂集卷之三

孝昌熊賜履著

詩

丙戌元旦早朝馬上口占一絕

此日已交七十二便活百歲亦無多何當尚作趨朝
客金水橋邊聽玉珂

丙戌元宵口號

去年對月排嘉宴今夕迎風賦落梅敢謂穆生能抗
節須知李白亦仙才韶光荏苒驚新故人事推遷任

去來且與兒童全進酒

時兒輩至邸省視

長歌一闋漫停杯

越二日復蒙

頒宴至邸敬賦紀恩一絕

纔說

君恩未許叨俄然春宴錫冰桃三呼九叩方

登席婦子應憐拜舞勞

丙戌元宵後三日彪西范先生訃至余爲位哭

之旣拂泪仍用前寄詩原韻敬賦一律用代

輓章傷悼之餘殊不成語聊識吾兩人暮年

一段神交而已但余亦已老數行枯淚果能

到君九泉下耶念之更酸焉失聲矣嗚乎痛

哉

誰將絕業遡淵源幸有高賢接潞溫設教舊能追卜

子傳經端不愧程門吾儕共惜斯人逝世俗安知此

道尊西望河汾涕似雨遺書鄭重爲公存

悼古

半閒聽蟋蟀三指任稊稜共笑書空拙羞誇歇後能

花朝齋飲

梅殘拆蒂開韭老纏莖落春酒炙寒壚先生喜獨酌

醒惑

荒唐江上牟尼珠恍惚山中舍利碇癡儒稽首拜瞿
曇那知方外浮屠法

不識五燈休說佛未知一貫莫談儒若云三教無殊
指請汝從頭問牧夫

有感

面唾寧甘辱臍香最累身雖爲林下客仍是眼中人
二聚嘆

愚狐聚陽人聚東西二周相看仆前二周後二周卜

年卜世一時休成周八百七十有三載邲鄆寶鼎將
安在天生大賈豈偶然洛陽一戰三川連轉眼莊襄
身亦死伯翳之神何曾祀祖龍本是邯鄲歌伎兒先
秦後秦無足齒

伊兒旋金陵省母

送汝南歸厠浣親章縫猶是舊閒身莫言捧檄成虛
願祿養何如色養真

歲歲征途歷暑寒徘徊瞻望淚闌干天南地北雙親
隔憐爾奔馳定省難

蕭蕭襪被一囊輕馬首婆娑向石城到得渡江過浦
口橋邊柳絮正晶晶

抵家時節恰天中競渡秦淮有燭籠好酌蒲觴將壽
母萊衣習習對溫風

王子瑁湖有暮年生女詩蓋喜且慰也余今年
七十有二矣媵人亦生一女遂乃捉筆步瑁
湖韻賦近體一章即書送瑁湖一笑老年人
景況略同故不覺抒寫之速也時康熙丙戌
蕤賓月下浣云

老來弄瓦不須悲襁結筭纏自有期壺範備教從若

瑤幼儀馴習賴吾兒

俟稍長當付阿兄訓誡之

一門姊姊知嫺禮

女行四上有三姊俱知書史

幾輩姻姨解學詩況是大家

曹大遺姑

訓在阿爺口授亦忘衰

觀書

仔細尋求方識字從容涵泳自知新而今始得讀書
法走馬流星最悞人

午睡

藤花宜小酌竹簟起微涼讀罷書為枕吟餘几作牀

流光本似電長夏却如年
襜褕輸君熱
幃帷讓我眠

自嘆

詭遇何曾獲一禽
孤根也自逼千尋
可憐五十年來
客費盡宵人早夜心

丙戌仲夏偶憩南城慈悲庵小軒溪水淺清蘆
葦照眼居然野趣也因憶白下別墅感而賦
之

茅屋三間石一丘
我來凭眺不勝愁
爲何楚客偏多
嘅遙想清涼山外樓

夏日午睡起閱舊書數板題此

循省生平老更迂
宦途潦倒費踟躕
周情孔思吾何
有檢點陳編學腐儒

送吳匪菴旋石門

帝簡儒臣譽望并
吾儕共慶道時亨
名齊斗柄三垣
麗事啓山公八柱撐
東壁圖書煩指授
西臺法憲賴
持平老來獨荷芝
蘭契定約江頭聽鶴鳴

八月初四日又拜嘉魚之

賜從波賴村
行在頒到一盤五尾名稜子魚鮮美

異常味云

稜子魚從絕塞來甘鮮脆膩甚奇哉大官包就郵傳
到清酒盈尊更酌盃

班姬

班姬辭參乘凜凜至尊前所重在持身抗拒豈徒然
承恩若將浼嘖笑任爭妍退居長信宮幽貞效昔賢
燕燕競飛飛日夕遶珠筵輕盈方得意禍水浸深淵
團扇聊寄悲堪與彤管傳非比長門怨何況文姬絃
國史本家業永夕事鑽研書成日月懸達者自能詮

評古

巨君本極惡孺子忒無知舉朝胥贖贖薄海盡蚩蚩
一呼千萬人拜手媚驕鴟今朝請宰衡明日頌周伊
負展作大誥公旦不如斯居然踐宸阼鴉質而鸞皮
皇帝何如尊而乃假攝之明明窺伺久安漢居不疑
婦衣不曳地折節事經師積威已累世老猾更委蛇
玩弄股掌中天子等贅枝司徒迎后入椒翟滿宮帷
五侯不足誇朱轂何纍纍所志在丹書烏取益封詞
姦態彌霄壤鬼神恁莫窺佞賊仍黨逆到處樹豐碑

縱有吞聲者縮項嘆孤危六軍齊屈膝百職總低眉
日月同昏黑乾坤一爛糜豈真遘陽九丕剝偶如茲
熒熒老寡婦垂幕對堦墀太阿憑倒執遑云帝座移
文母遵何典新室號尤奇黑貂祇獨著投壘悔何遲
家家王氏臘孰捧沛宮匱陋哉楊大夫得意熯青藜
生平學何事珥筆著新辭聞者猶愧汗當時意胡爲
問字難言識投閣不勝怩至今太元艸覆瓿尚嫌媿
僭竊十八載濁亂費整治四海聲磬磬童穉亦噫噫
轉盼天心厭率土望綱維卯金尚有人炎焰未全澌

東郡太守賢三輔豪傑奇義旗如雲集戮力比甘飴
安衆先聲罪更始大倡謀官兵逼漸臺仰天無乃癡
元兇隨授首亂卒爭解肢奸雄安在哉狗彘噬其肌
哀章空獻匱孟通徒刻磁堪笑更生子冒讖復爲箕
回首成夢幻營營肖魑魍燭火方纔熄羣小弄污池
詎知上帝心簡在春陵湄撥亂如拉朽掃氛若翦茨
井底蛙兒斃山坡盆子疲帝王自有真宇宙賴撐持
如何狂惑者動輒說熊羆亂賊常接踵天道委難欺
羿浞曾攘臂懿溫竝舞棊阿曼與阿瞞頭面實等夷

陳道堂集 卷之三
七
殲宗且貽臭報應無參差天位不可干枉作帥府廝
班彪有至論大義久昭垂

和汪匪莪謝寄玉杯詩

檢點齋頭物愛茲雙玉杯清光潤以粟居然映鼎台
呼朋嘗對飲眼底卽蓬萊寄贈山中友一朝佳詠來
白雪成高調菁英不待猜百篇賦就否花間醉幾回
春郊宜問柳秋夜可吟槐戛敲聲朗朗把翫色皚皚
琥珀非凡質琳瑯亦俊才漫許劉伶洗何妨張旭陪
絃鳴忘借箸筑響笑傾壘比德連城重觀文合璧開

涼風吹晚籜寒雨落江梅請君隨意酌世事等蜚埃

顏回歎

顏淵遇仲尼褒然稱復聖六籍授受真微言存論孟
末俗不知量名高衆所競叔度標榜多子奇牽附盛
終日未曾違非關佛氏淨心齋而坐忘莊生語實病
道符禹稷憂學齊伊尹行不貳自不遷無將亦無迎
大造本冥冥頭白隨短命彭殤全一瞬牛蹠豈二姓
歲月任推移浮生迷究竟有物必有則踐形乃盡性
修身以俟之順受得其正

信口

信口常多話逢人結舌難但隨流俗意俱作等閒看
囊起嗤狂瞽尤因觸阿瞞白圭日日玷檢點效陳搏
閒中自問

足沈挨步軟腕病屬文稀愛繫駢蘿帶端穿浣苧衣
了翁然與否迂叟是耶非知止止吾止日歸歸不歸
偶咏物

盧橘皮成墨紫梨花變形朔颼吹翠筴涔壑蕩青葱
華萃占四德樵棗筮三公穰穰難結穗稊稗易搖壘
癭木遺甘露陳枚漏惠風競稔烏禾熟交旌燕麥功
智睜與眯睇凸垤勝穹窿

小軒

莫牽楸線短還繫柳絲長更有蒲桃蓋珠帷映紫囊
暑月草亭露坐

睡蓮隨水伏僵柳待風搖此地無扶竹何人引洞簫
傳聞

東宮題賜匾額曰鴻文碩學尋未見 頌降或有
所待耶然已惶汗無地云

樵魯無文慙識字謬悠寡學愧談經何當又拜東
朝賜 睿藻褒題照汗青

畱居

畱居 京國已三年皓首孤踪意悄然惟望歸棲雲
谷下金門洛社讓先賢

粥馬

蒲稍輸款段玉的等聾蟲况係逍遙步無須鏤鏤籠
聞鳥語

催歸愁晚獲盍旦急朝曦自有田家曆何煩樹上師

虎僕

虎僕攀高樹非不愛皮毛豈知皇甫生抽作管城毫
爲語翡翠客慎勿近篋笏

鷓

姬公惡糜鴟宣聖歌毛鷓九頭便可怪奚必問妖祥

偶占

蟻封防電擊鶴井畏蜺穿閭闔如開路鷓鷯也叫天

翠碧

魚虎不知祭偏與獺爲鄰錦袍兼絳幘飛掠大湖濱

山道堂集 卷之三
一啄吞鰕脊再啄啖鯁臙被人呼水狗去去莫逡巡
試看鶻鵠來所過無遺鱗

閱禽經

批頰寧知辱叩頭豈憚勞反舌因噪急折足爲飛高
紀異

無定沙疑雪如何棗似瓜九龍鑿六貝十驥翦三花

冰俎

和羹藪子辛同艾尚饌蠶齋烈似芎漫說飲冰學桂
蠹須知茹蘖勝荼蟲

魴卽奔解又名鮒又名濁所謂嬾婦魚也

捻籬光如爛撚纒暗似煤饞燈終不改促織莫頻催
鯧鬚

蠓山連海壁蜃島累阿房賴得逢游鯧高高簾幙張

俗驕

烏喙騰獅吼狼睛豎虎鬚据奔千手捏僵臥百肱扶
擬古諺

鳴節節趾般般何年靈瑞落人間足足振振未可攀

四禽

桐華宜倒掛枳栢應流離但聽金衣著難看錦帶垂
憎蟻

海青拏天鶯燕子折海青更有鐵鸚哥給役鳳凰庭
蒼鷹莫敢近一一遠林堦如何蟾逢蟻不識射沙形

自嘲

不赴詩壇不登講席酬唱漁歌伊吾蟻迹七袞已過
萬感俱擲且著青衫莫穿赤舄皂帽頭方黃冠頂窄
岍幘斜纏聊以覆額嘿坐焚檀澄懷披籍豈曰繙書
庶幾玩易周邵尋常義文咫尺扃戶深山壘牀安宅
身世蜉蝣窮通駒隙俯仰升沈去來翁闢卽此乾坤
何殊今昔瞬睫荒唐盱衡惋刺四體癯癯五官瘠瘠
苦絕塵煩甘侔膾炙醉裏嬋娟夢中霹靂呼吸彭殤
吐吞潮汐涼月似規寒冰若璧開士擎拳道人跼躅
認賊作兒視主爲客罔識筌蹄惡知藥石魚目而珠
袞衣而襖零落蘇旄倉皇謝屐狼狽互牽龍鍾寢迫
未免傷情非關落魄生寄幕帷死歸窀穸聚散者常
幽明疇隔蝸鬪倚塲蠅營魍奩傀儡紛紜骷髏枕藉
比比而然夫何足責姬被鴟喧孔遭雉阨自爾忘憂

云胡當厄迂叟請纓狂夫揮戟最笑蟠桃尤憐鑽核
窺井徒勞面牆罕益蹙蹙觀臍冥冥聳脊類相如俳
等元凱癖膠柱瑟瘖刻舟劍械打壘冰消循捫霧釋
忽忽衰頰看看踊擗百年昏曉千秋旦夕檢點開衾
收拾易簣一息尚存寸陰仍惜時哉末由行矣奚適
自往自還孰將孰逆咄咄虛空鼓掌以拍

祝徐浩軒六袞

由來禁籟推耆碩此日鸞坡屬令聞淮渚波澄
新底績嵩高樾蔭舊恩勤還看曳履彤廷重更喜

承明珥筆芬許我龍鍾隨祝嘏也扶鳩杖睇卿雲

五月中詣暢春園再行請告

上乃稍領之歸邸賦此示及門見過者

腐柯寧惜蜉蝣撼敝骨何妨牛馬呼爲說眼中人就
遠君侯不用苦訾嚅

閱史志感

邊徼功高紀舊臣中興名佐繪麒麟當年炳列旂常
者不是衝鋒破敵人

博陸鴻勛應特署中郎奇節亦加官可憐李廣生辰

薄皓首穹廬在據鞍

二矣詩時將再請出都漫賦

書生得此亦過矣仕宦場中貴知止避世何須問赤
松書生得此亦過矣

眼中之人今遠矣端禮門前釁未已諸公免赴玉津
園眼中之人今遠矣

陛辭日 賜宴

扶筇拜舞玉堦寒尚饌頻頒承露盤膳使特宣
聖意切睽離在卽好加餐

又賜尚榛一斗

榛仁甘脆異尋常金斗盛將玉匣裝產自鎬京纔進
獻開封先賜老臣嘗

東宮賜尚廐馬四匹哈密貢瓜一雙

東閣承恩絕等倫南宮拜別意逡巡不知廣受登車
日百輛何如四轡新

哈密嘉瓜送大官宮僚捧出逼香蘭殘牙剩齒憑咀
嚼再飫天廚難又難

哭施虹玉二絕

十年契闊與君違飄泊輸君獨采薇忽報故人已謝
世自憐霜鬢逐蓬飛

東林會上許談心空谷蛩然聽足音講席從今誰接
踵道南遙望淚霑襟

出 都門宿盧溝橋口號

辛苦更嘗盡艱難涉歷餘到頭何所有衰鬢返蘅廬
過臨淮邑侯袁君凌霄出素紈索書急成一律

贈之

臨淮凋敝久況復被災頻雉堞長鯨嚙桑田碩鼠屯

振興煩指畫撫字倍艱辛漫道烹鮮苦君才似祭遵
抵家示伊兒

戊辰重赴闕丙戌乃歸田莫訝顛毛落蹉跎十九年
下馬逢三友入門見兩孫家園饒足樂休問謝公墩
是日聞錫山張子秋紹卽世爲位哭之不能成
聲爰口占一絕寄焚之靈座前聊當生芻一
束也痛哉

紫陽施氏

謂虹玉

纔捐館胥嶺張君

謂秋紹

隨蓋棺一二

故人零落盡老夫涕淚亦枯乾

閑道堂集卷之四

孝昌熊賜履著

奏疏

公謝楚省蠲免額稅疏

經筵講官東閣大學士兼吏部尚書加一級今解任
臣熊賜履等謹奏爲楚省普被恩施輿情實深感
戴虔陳下悃公謝 洪仁事欽惟我

皇上德協三才勲隆八極濺澤久彌於禹服咨傲倍
軫夫堯心蔀屋窮簷胥登衽席荒陬僻壤俱仰卿雲

惟乾行罔間於旰宵肆離照無分於方域一夫不獲
如已溺已饑六府孔脩仍引恬引養若常平若廣善
無非藏富於民或發帑或截漕總是推恩逮下惠鮮
懷保 清問痾瘵陋撤懸減份之虛文屢捍患禦災
之實政捐租捐賦史不絕書省斂省耕歲無暇晷允
矣淪肌洽髓猗與解慍除煩鑿井畊田都忘 帝力
吹函擊壤共樂康衢茲者特沛 溫綸 注懷南紀
以楚地幅隕廣濶常苦衝疲將明年稅額徵科悉行
蠲免三湘怵踴七澤歡騰旄倪並沐 恩波婦子咸
寧榦止昇平有象誦祝無疆遙知漢水方城稱觥恐
後會見洞庭嶽麓比屋可封 臣等身列朝紳情同鄉
梓銘心石泐偕抒舞蹈之忱拜手山呼竊附賡颺之
義繕脩蕪牘恭達葵衷伏冀 聖慈俯垂 宸鑒 臣
等無任瞻仰頂戴之至

恭謝 天恩疏

經筵講官東閣大學士兼吏部尚書加一級今解任

臣熊賜履謹奏爲恭謝 天恩事 臣至愚極謏遭遇

聖明早侍 經筵洊登 綸扉前後四十餘載 恩

侔怙冒寵軼等倫淡髓淪肌畢生難報無奈學疎才
短質戇行迂有負生成莫酬高厚中宵捫省汗漬霑
衣以故屢求罷譴未加擯斥反蒙 聖慈矜宥曲賜
優容尸素徒慙愆尤日積洎癸未之歲年及七旬乃
引例乞休以安愚分猥荷 俞綸優答解務投閒仍
令食俸留 京用備 顧問 殊恩曠典實今昔所
無甲申暫 假省祭隨趣還 朝復蒙晉接維慙
眷注彌篤兩年以來 褒嘉頻疊 錫賚駢蕃 龍
章匾額 御筆親題玉膳珍羞 賜無虛日臣自分

犬馬微賤遑惜碎捐祇以景逼桑榆奄奄億贖龍鍾
狼狽撐拄良艱且門衰嗣弱舉日伶仃繫念首丘不
能自已今年九月內遂載申前請冒瀆 天聽伏荷
聖明垂鑒 恩允歸田又以衰病遠行倍加 軫念
特勅所司給與驛傳差官護送還鄉且 陛辭之日
重 頒尚饌兼 予貢榛連朝 召入內廷親聆
慈訓 諮詢溫慰藹若家人臣含洩拜手涕泗交頤
酸鼻摧心莫能仰視十月廿六日銜 恩就道行及
匝月遂抵金陵臣到家恭率婦子望 闕叩頭骨月

聚團闔門頂戴凡鄉邦鄰里巷集街談咸嘖嘖艷羨
書之史冊亦將傳爲盛舉臣自惟身膺寵榮初終
腆渥卽長林豐草孰非皇恩從茲頤養優游咏歌
帝力雖扶筇倚杖被褐加餐皆出鈞賜生生世世
銜結何窮茲謹繕蕪疏虔遴義男鮑輪賁捧仰塵
乙覽稍展謝忱伏冀慈涵曷勝忭舞緣係恭謝
天恩事理字多逾格並祈睿鑒施行
奏劄

內廷承

旨看定書經纂言奏劄

大學士臣熊賜履謹奏臣謹按吳澂所著書經纂言
不取梅賾古書孔穎達疏義而以伏生之經爲正大
槩與朱子之指相合然所注自成一家不與蔡注同
蔡注本朱子之意所謂集傳是也今旣遵用蔡說則
此書止可存以備考臣愚見如此自知無當仰惟
皇上睿學淵深經義精貫伏祈

聖明指教曷任拳切

看定理學備考奏劄

大學士臣熊賜履謹奏臣謹按洪洞范鄩鼎所刊理

開道堂集 卷之四
學備考乃是取山右儒生辛全暨容城布衣孫奇逢等所纂理學宗傳諸書合訂一編存爲掌乘其廣理學備考則係彙輯明代名臣文集臚列編次之大槩主於博采兼收以俟參考論定故取名曰備考尚非理學成書也如臣之鄙著豈能有當鄙鼎亦附載數則於其中癸未之秋忽郵寄與臣一披視殊增惶汗卽范書未之詳閱亦從未親覲其人止有兩番書札往還而已欽惟我

皇上聖學高深爲斯文宗主舉凡古今學術偏全純駁一經 睿鑒備極精研開萬古之顛矇秉千秋之朗鏡普天瞻仰奕世昭垂臣本魯劣無知兼以衰頹特甚伏祈 指示用豁昏蒙殘息奄奄待 訓更切臣無任屏營悚惕之至謹具奏 聞

考定韻學原委奏劄

大學士臣熊賜履謹奏臣竊惟兩儀旣判萬物化生形生神發而聲音之道起焉聲音者得於天而非參以人者也聖人繼天立極利用前民於是因聲以製字比音以成文聲取其分而音取其合字取其別而

文取其通由是協之以律呂和之以性情發爲文章
施諸政事無往而不允協焉故曰書契興而結繩之
治一變也然而時代遷流風土迥隔剛柔燥濕殊其
尚疾徐輕重異其宜清濁上下之分多寡損益之辨
錯綜參伍變化多端亦其勢也粵自蝌蚪蟲魚而後
文明漸啓體製滋煩丘索典墳各有結撰比及殷周
之盛四始六義自然成章里巷之謳吟士女之贈答
任天而賦動叶宮商初未有紛淆拘束之病也元公
爾雅一書微加訓詁義蘊分豁畧無滯疑彬彬乎蓋

後世藝林之鼻祖矣三代而降小學廢弛卽八法六
書缺焉弗講魯魚亥豕習以爲常至漢魏以還士子
從事伊吾志趣干祿承訛襲陋該洽鮮聞聲韻一途
且委諸草莽矣如叔重之說文康成之箋注搜羅編
輯雅號淹通然不過訂其偏旁釋其名義一遇疑難
莫知是正則第曰讀若某某而已若之云者猶近似
之見耳豈可以爲斷哉許鄭若此自餘可知矣反切
之法來自西域而盛行於齊梁之間其時竺典爭崇
緇流雲集鴻臚白馬之牒充塞江表所謂撮齊開閉

釋子類能言之匪特神珙之三十六母奉爲寶藏下
及鑿聿之總篇守溫之圖撰儒者亦或有取焉然而
波羅揭諦梵譯交參刺目聱牙罕適於用觀篇海所
載亦大槩可覩矣豈足以語於象形會意與轉注假
借之妙哉四聲之說昉於周顒而倡於沈約四聲者
所謂平上去入是也八代以來詞章競麗調取可聽
故久而莫廢自時厥後若孫愐之唐韻陳彭年之廣
韻大都並祖述休文非第奉法言爲標準已也涑水
類篇端從集韻意主求詳而景祐之韻畧頒自春官
爲諸生科舉之式命之曰畧尚得云備乎明初懸正
韻爲令甲一時議論紛雜卒未通行洎於晚季宣城
梅氏衷爲字彙一帙部分條析收攝有方又以橫直
二圖爲翻切要領經緯互湊庶幾後學考證之益然
所爲公韻貢穀與見溪羣疑等法悉有所本非真獨
契而創爲者也善哉楊用脩之言曰成周之世豈知
有沈氏之書則知吳才老輕改古音強就時韻亦無
具甚矣是故援古以廢今與泥今以變古皆所不達
也五方之風氣自難獲齊何況古今上下之懸絕也

哉緩急單繁各存其是焉可也總之二氣五行流布
天壤何所不貫聲音文字之道抑豈能外之故一啓
口間一運指際未嘗不原本圖書關通象數乃至方
言詞曲唱歎抑揚亦罔弗配合管絃均調節奏無他
理一故耳且如太泫潛虛皇極經世之類建圖取象
宛轉相因並各具一體況乎神聖之制作卦畫之精
微貫徹三才包羅萬彙豈復有纖毫矯揉牽附於其
間者哉殆必不然矣我

皇上造化協於淵衷經綸彌乎宇宙權衡律度典則
於昭登五咸三史冊未有乃於萬幾餘暇 留意法

書臨楮揮毫雲霞絢爛人文觀化端在今茲但 臣衰
憊倍臻昏蒙實甚典章闡奧未識津梁鉛槧生涯終
歸魚蠹久辜 作育深玷班聯茲者虔具蕪篇猥塵
睿覽伏祈 慈鑒俯 賜訓言欣忭莫勝屏營無極
臣謹奏

恭謝

東宮奏劄

內閣大學士 臣熊賜履謹奏 臣以至愚叨侍

東閣講席數年之間仰瞻 睿穆側聽 睿音具
知 養正功深 元良德茂拜稽手額退食抃欣自
愧樗櫟菲材寸長未効猥蒙

皇太子加意栽植格外褒崇 彩筆奎文捧來邸

舍嘉珍尚膳頒自天廚異數 隆恩得未曾有今秋

九月_臣以年老 予告趨叩 內廷復蒙

皇太子霽顏慰問繾綣彌愍既飫瓊漿復餐瑞飴
清芬異味甘炙如飴飽德飲和沁入心髓又蒙 軫
念衰年遠役 特賜御馬四匹以寵其行龍騾駿羸

牽出天閑玉勒金鑣光騰皇路_臣起程之日復承

內使臨賁祖送於郊一時道左聚觀聞者歎羨_臣何

人斯而克當此垂之簡帙亦侈爲美談_臣到家之日

恭率婦子北望叩頭感而欲涕茲謹修蕪摺稍展葵

忱銜結之衷楮墨難罄伏祈 俯鑒曷任屏營_臣謹

奏



